



## **ACTA DA SESIÓN ORDINARIA DA XUNTA DE GOBERNO LOCAL REALIZADA O DÍA 23 DE XULLO DE 2024**

### **PRESIDENTA:**

A alcaldesa, D<sup>a</sup>. María Dolores Pan Lesta

### **ASISTENTES:**

D. Juan González Leirós  
D. Daniel Mallo Castro  
D. Ramón Boga Moscoso  
D. David López Saborido  
D<sup>a</sup> María Yolanda Díaz Baldomir  
D. Raúl Varela Fraguío  
D. Manuel Castro Uzal

### **INTERVENTORA MUNICIPAL:**

D<sup>a</sup> Lucía Mata Rodríguez

### **SECRETARIO ACCIDENTAL:**

D. Fernando Manuel Garrido Negreira

No despacho de Alcaldía do Concello de Cambre (A Coruña), sendo as nove horas do día vinte e tres de xullo do ano dous mil vinte e catro, reúnese a Xunta de Goberno Local, en primeira convocatoria, co obxecto de celebrar sesión ordinaria baixo a Presidencia da Sra. alcaldesa, D<sup>a</sup>. María Dolores Pan Lesta, e coa asistencia dos/as Sres./as concelleiros/as D. Juan González Leirós, D. Daniel Mallo Castro, D. Ramón Boga Moscoso, D. David López Saborido, D<sup>a</sup> María Yolanda Díaz Baldomir, D. Raúl Varela Fraguío e D. Manuel Castro Uzal.

Asiste á sesión a interventora municipal, D<sup>a</sup> Lucía Mata Rodríguez, e actúa como secretario o secretario accidental do Concello, D. Fernando Manuel Garrido Negreira.

A Presidencia, tras comprobar nos termos expostos que se dá o quórum legalmente esixido polo artigo 133.1.b) do Regulamento orgánico municipal para a válida celebración das sesións, declara aberta a sesión, pasándose ao estudo e exame dos asuntos incluídos na orde do día da convocatoria.

## **1.- APROBACIÓN, SE PROCEDE, DO BORRADOR DA ACTA DA SESIÓN ORDINARIA DO DÍA 16 DE XULLO DE 2024**

De conformidade co preceptuado nos artigos 108.2 e 133.4 do ROM, a Presidencia pregunta se existe algunha obxección ou observación á acta da sesión ordinaria celebrada en data 16 de xullo de 2024, da que se entregou copia coa convocatoria desta sesión, e non producíndose ningunha, pola Presidencia sométese a votación ordinaria a súa aprobación, sendo aprobada por unanimidade.

Á vista do resultado da votación, declárase aprobada a acta da sesión ordinaria realizada en data 16 de xullo de 2024.

## **2.- BOLETÍNS E CORRESPONDENCIA**

De orde da Presidencia, o secretario accidental dá conta aos asistentes á Xunta de Goberno Local das seguintes publicacións:

- Escrito de dona Maria Carmen Pan Matos, concelleira delegada dos servizos de Desenvolvemento Asociativo, Educación e Sanidade, rexistrado de entrada o día 17 de xullo de 2024, co número 202499900004830, no que comunica a súa ausencia do termo municipal os días 22, 23, 24 e 26 de xullo de 2024.

- Dirección Xeral de Formación e Cualificación para o Emprego, Consellería de Emprego, Comercio e Emigración, Resolución de 8 de xullo de 2024, pola que se dá publicidade ás axudas concedidas ao abeiro da



Orde de 22 de decembro de 2023, pola que se establecen as bases reguladoras e a convocatoria pública para a concesión de subvencións para a contratación de persoal técnico para a realización de actividades de orientación laboral no exercicio 2024 (Diario Oficial de Galicia número 13, de 18 de xaneiro). DOG núm. 138, de 17-07-2024.

- Consellería de Cultura, Lingua e Xuventude, Orde de 8 de xullo de 2024, pola que se regulan as bases que rexerán a concesión das subvencións ás entidades de acción voluntaria e entidades locais enmarcadas no programa Servizo de voluntariado xuvenil e se procede á súa convocatoria para o ano 2024 (código de procedemento BS320A). DOG núm. 139, de 18-07-2024.

- Consellería de Emprego, Comercio e Emigración, Orde de 9 de xullo de 2024, pola que se establecen as bases reguladoras para a concesión, en réxime de concorrencia non competitiva, de subvencións para o impulso da Rede de mercados excelentes de Galicia e a dinamización e revitalización das prazas de abastos, e se procede á súa convocatoria para o ano 2024 (código de procedemento IN223A). DOG núm. 139, de 18-07-2024.

- Consellería de Presidencia, Xustiza e Deportes, Orde de 22 de xullo de 2024, pola que se establecen os criterios de distribución do fondo adicional ao Fondo de Cooperación Local destinado á realización de investimentos en infraestruturas municipais de carácter estratéxico, previsto na letra i) do artigo 59. cuatro da Lei de orzamentos xerais para 2024 (código de procedemento PR486E). DOG núm. 142, de 23-07-2024.

### **3.- INFORME DAS RESOLUCIÓNS DITADAS POLA ALCALDÍA E CONCELLERÍAS DELEGADAS DE ÁREA DENDE A ANTERIOR XUNTA DE GOBERNO LOCAL**

A Presidencia dá conta á Xunta de Goberno Local das resolucións ditadas pola Alcaldía e concellerías delegadas de área dende o día 12 ao 18 de xullo de 2024, que comezan coa resolución da Alcaldía núm. 854/2024 e rematan coa resolución da concelleira delegada da área de Servizos Sociais e Recursos Humanos núm. 877/2024, segundo se relacionan a continuación:

Nº decreto	Data sinatura	Asunto
854/2024	12-07-2024	Convocatoria da sesión ordinaria da Xunta de Goberno Local do día 16 de xullo de 2024
855/2024 (corresponde ao día 10 de xullo)	10-07-2024	Declarar a ineficacia da comunicación previa para executar unha canalización de 32 metros lineais para o tendido dunha liña subterránea de baixa tensión destinada a proporcionar subministración de enerxía eléctrica para uso agrícola á finca sita na parroquia de Cambre. Solicitante: UFD DE, S.A
856/2024	15-07-2024	Delegar no concelleiro don Juan González Leirós a competencia para recibir o consentimento na celebración do matrimonio de MLC eAFM
857/2024	15-07-2024	Delegar na concelleira dona María Yolanda Díaz Baldomir a competencia para recibir o consentimento na celebración do matrimonio de LMS e AGF
858/2024	15-07-2024	Conceder a licenza municipal solicitada para executar unha canalización de 1 metro lineal para o tendido dunha liña subterránea de baixa tensión destinada a proporcionar subministración de enerxía eléctrica ao edificio sito na rúa Abeleira, parroquia do Temple. Solicitante: UFD DE, S.A.
859/2024	16-07-2024	Aprobar o reintegro dos fondos non xustificadas da subvención



		concedida para a contratación de persoas perceptoras de RISGA no ano 2019, a prol da Xunta de Galicia por importe de 1.752,82 euros
860/2024	16-07-2024	Dar de baixa no Padrón municipal de habitantes por inscrición indebida, con efectos dende a data de sinatura da resolución da alcaldía a MRI por non residir no citado domicilio, nin constar a súa residencia habitual neste municipio, incumpríndose co establecido no artigo 54.1 e 68 do Real decreto 1690/1986, do 11 de xullo, polo que se aproba o Regulamento de poboación e demarcación territorial das entidades locais
861/2024	16-07-2024	Levantar os reparos formulados pola intervención de data 19 de xuño de 2024 tendo en conta o informe emitido polo enxeñeiro técnico industrial municipal, responsable do contrato, con data 11.07.2024. Aprobar as facturas por importe total de 85.893,70 euros
862/2024	16-07-2024	Rexeitar a petición de RAMR respecto da devolución do importe de 300, correspondente á bonificación do 50 por cento do importe da sanción
863/2024	16-07-2024	Levantar o reparo suspensivo formulado pola Intervención municipal no informe de intervención de data 18 de setembro de 2023 tendo en consideración o informe da educadora social co conforme da coordinadora de servizos sociais de data 10 de xullo de 2024
864/2024	17-07-2024	Aprobar a programación de especialidades formativas acreditadas pola Xunta de Galicia para a impartición dos certificados de profesionalidade no Centro Municipal de Formación do Concello de Cambre, en modalidade presencial. Solicitar á xefatura territorial da consellería de Emprego, Comercio e Emigración da Coruña unha subvención para a realización das anteditas accións formativas, segundo o establecido nos módulos económicos, Anexo IV "Relación de especialidades formativas que poden ser obxecto de subvención na convocatoria, con indicación das que teñen a consideración de prioritarias a nivel Galicia ou nivel comarca, do importe dos módulos económicos por hora e alumno/a, e da obriga se ser o caso, de impartir o módulo transversal de prevención de riscos laborais", así como os módulos transversais establecidos no artigo 30.1 e 30.2. da citada orde do 1 de xullo de 2024
865/2024	17-07-2024	Declarar a xubilación forzosa da funcionaria de carreira M <sup>a</sup> TMN con efectos do 17 de xullo do 2024, de conformidade cos artigos 67.4 do Texto refundido da Lei do estatuto básico do empregado público aprobado polo Real decreto legislativo 5/2015, 68.3 da Lei 2/2015, do 29 de abril, do emprego público de Galicia e 205 e Disposición transitoria sétima do Texto refundido da Lei xeral da seguridade social aprobado polo Real decreto legislativo 8/2015, de 30 de outubro
866/2024	17-07-2024	Dar de baixa no Padrón municipal de habitantes por inscrición indebida, con efectos dende a data de sinatura da resolución da alcaldía a RDL, por non residir no domicilio, nin constar a súa residencia habitual neste municipio, incumpríndose co establecido no artigo 54.1 e 68 do Real decreto 1690/1986, do 11 de xullo, polo que se aproba o Regulamento de poboación e demarcación territorial das entidades locais



867/2024	17-07-2024	Aprobar as facturas e gastos por un importe total de 163.995,76 euros
868/2024	18-07-2024	Dar de baixa no Padrón municipal de habitantes por inscrición indebida, con efectos dende a data de sinatura da resolución da alcaldía a JJCF por non residir no domicilio, nin constar a súa residencia habitual neste municipio, incumpríndose co establecido no artigo 54.1 e 68 do Real decreto 1690/1986, do 11 de xullo, polo que se aproba o Regulamento de poboación e demarcación territorial das entidades locais
869/2024	18-07-2024	Dar de baixa no Padrón municipal de habitantes por inscrición indebida, con efectos dende a data de sinatura da resolución da alcaldía a AKMM, por non residir no domicilio, nin constar a súa residencia habitual neste municipio, incumpríndose co establecido no artigo 54.1 e 68 do Real decreto 1690/1986, do 11 de xullo, polo que se aproba o Regulamento de poboación e demarcación territorial das entidades locais
870/2024	18-07-2024	Dar de baixa no Padrón municipal de habitantes por inscrición indebida, con efectos dende a data de sinatura da resolución da alcaldía a MDS por non residir no domicilio, nin constar a súa residencia habitual neste municipio, incumpríndose co establecido no artigo 54.1 e 68 do Real decreto 1690/1986, do 11 de xullo, polo que se aproba o Regulamento de poboación e demarcación territorial das entidades locais
871/2024	18-07-2024	Dar de baixa no Padrón municipal de habitantes por inscrición indebida, con efectos dende a data de sinatura da resolución da alcaldía a JMML, por non residir no domicilio, nin constar a súa residencia habitual neste municipio, incumpríndose co establecido no artigo 54.1 e 68 do Real decreto 1690/1986, do 11 de xullo, polo que se aproba o Regulamento de poboación e demarcación territorial das entidades locais
872/2024	18-07-2024	Aprobar, con efectos do 2 de xullo de 2024, a relación de solicitudes admitidas con praza na actividade Campamento pequenos no Grove (Pontevedra), do programa xuvenil municipal "O Verán Xa Está Aquí". Aprobar, con efectos do 13 de xullo de 2024, a relación de solicitudes admitidas con praza na actividade Campamento maiores no Grove (Pontevedra), do programa xuvenil municipal "O Verán Xa Está Aquí"
873/2024	18-07-2024	Dar de baixa no Padrón municipal de habitantes por inscrición indebida, con efectos dende a data de sinatura da resolución da alcaldía a MSGS, por non residir no domicilio, nin constar a súa residencia habitual neste municipio, incumpríndose co establecido no artigo 54.1 e 68 do Real decreto 1690/1986, do 11 de xullo, polo que se aproba o Regulamento de poboación e demarcación territorial das entidades locais
874/2024	18-07-2024	Conceder a licenza municipal solicitada para executar unha canalización de 64 metros lineais para o tendido dunha liña subterránea de baixa tensión destinada a proporcionar subministración de enerxía eléctrica á vivenda unifamiliar sita, parroquia de Cambre. Solicitante: UFD DE, S.A



875/2024	18-07-2024	Convocar os procesos de selección para a cobertura en propiedade das prazas de bibliotecario arquivista, incluída na Oferta Pública de Emprego do 2022, e dúas de axentes de protección civil, incluídas nas Ofertas de Emprego Público do 2022 e 2023, respectivamente. Aprobar as bases xerais e específicas reguladoras desta convocatoria
876/2024	18-07-2024	Levantar o reparo suspensivo formulado pola interventora municipal asinado o día 16.07.2024 e continuar coa tramitación do expediente. Avocar a competencia delegada na Xunta de Goberno Local para adxudicar o contrato da subministración de liñas, cadros eléctricos temporais e restantes elementos para proporcionar enerxía e iluminación aos espazos de celebración da VII romaría galaico romana – Galaicoi. Adxudicar o contrato da subministración de liñas, cadros eléctricos temporais e restantes elementos para proporcionar enerxía e iluminación aos espazos de celebración da VII romaría galaico romana - Galaicoi, ao licitador Iluminación Naveiro, S.L. no prezo ofertado de 10.000,00 € sen IVE, 12.100,00 € (IVE incluído)
877/2024	18-07-2024	Cesar con data 18 de xullo de 2024 ao bibliotecario interino GDM polo transcurso do prazo máximo de tres anos establecido para a cobertura interina de vacantes, artigos 10.1 a) y 4 do texto refundido da Lei do estatuto básico do empregado público aprobado polo Real decreto lexislativo 5/2015, e 23.2 a) e 23.3 da Lei 2/2015 do emprego público de Galicia

#### **4.- ASUNTOS SOBREVIDOS**

Non se tratou ningún asunto sobrevido.

#### **5.- ROGOS E PREGUNTAS**

Non se formula ningún/ningunha.

E non existindo máis asuntos dos que tratar, a Presidencia levanta a sesión, sendo as nove horas e tres minutos do mencionado día, estendéndose para a debida constancia a presente acta, do que eu, secretario accidental, dou fe.

Visto e praxe

A presidenta

María Dolores Pan Lesta

O secretario accidental

Fernando Manuel Garrido Negreira